



**GAZETI RASMI LA SERIKALI YA  
MAPINDUZI YA ZANZIBAR**  
(Hupigwa Chapa kwa Amri ya Serikali)

**Sehemu ya CXXIII Nam. 6512**

**1 Septemba, 2017**

**Bei Shs. 5,000/=**

*Imekubaliwa na Mkuu wa Posta kuwa ni Gazeti*

*Hutolewa kila Ijumaa*

**YALIYOMO**

*Ukurasa*

Mswada wa Sheria ya kuanzisha Wakala wa  
Maendeleo ya Viwanda Vidogo Vidogo na vya  
Kati, Zanzibar pamoja na kuwezesha ushajiishaji  
na uendelezaji wa Viwanda vidogo vidogo na  
vya kati na mambo yanayohusiana na hayo..... 00

**SEHEMU YA SHERIA**

Tangazo la Mswada uliyotajwa hapo chini umetangazwa katika  
***Gazeti Rasmi*** hili

**Tangazo la Mswada**

Nam. :- Mswada wa Sheria ya kuanzisha Wakala wa Maendeleo ya  
Viwanda Vidogo vidogo na vya Kati..

**TANGAZO**

Mswada ufuatao utawasilishwa katika Mkutano wa Baraza la  
Wawakilishi ulioanza tarehe 27 Septemba, 2017 kwa kusomwa kwa mara  
ya kwanza na unachapishwa pamoja na Madhumuni na Sababu zake kwa  
ajili ya kutoa taarifa kwa wananchi.

**ZANZIBAR**  
1 Septemba, 2017

(Dkt. ABDULHAMID Y. MZEE)  
***Katibu wa Baraza la Mapinduzi na  
Katibu Mkuu Kiongozi.***

Matangazo yaliyohusu maiti, kuvunjika kwa Ushirika na baadhi ya matangazo ambayo ni muhimu kwa watu kujua yanaweza kutiwa katika Gazeti. Nakala matangazo namna hiyo, zipelekwe kwa Mhariri wa Gazeti Rasmi la Serikali ya Mapinduzi ya Zanzibar - Tanzania katika nyumba ya kupiga Chapa, Sanduku la Posta 261. Nakala zisichelewe kuliko Jumatatu kila wiki.

" mradi mdogo mdogo au kiwanda kidogo kidogo " maana yake ni mradi au kiwanda chochote chenye jumla ya raslimali zenye thamani isiyozidi Shilingi za Kitanzania milioni kumi na moja (TZS 11,000,000) au chenye wafanyakazi wasiozidi wanne 4

“Wizara” maana yake ni Wizara yenye dhamana ya maendeleo ya viwanda;

“Waziri” maana yake ni Waziri mwenye dhamana ya maendeleo ya viwanda;

“Wakala” maana yake ni Wakala wa Maendeleo ya viwanda vidogovidogo na vya Kati ambayo imeundwa chini ya kifungu cha 4 cha Sheria hii

“ Rais” maana yake Rais wa Zanzibar na Mwenyekiti wa Baraza la Mapinduzi.

" sekta binafsi" maana yake ni mtu, au kikundi cha watu au umoja wa watu wanaojihusisha na miradi au masuala mengine ya maendeleo, wanaofanya shughuli hizo ndani ya Zanzibar, na ambapo mmiliki mkubwa zaidi wa hisa katika shughuli hizo si Serikali.

" mradi mdogo au kiwanda kidogo" maana yake ni mradi au kiwanda chochote chenye jumla ya raslimali zenye thamani inayozidi Shilingi za Kitanzania Milioni kumi na moja (TZS 11,000,000) lakini isiyozidi Shilingi za Kitanzania Milioni hamsini na saba TZS (57,000,000) au chenye wafanyakazi wasiopungua watano 5 na wasiozidi kumi na tisa 19.

#### SEHEMU YA PILI

#### KUANZISHWA KWA WAKALA WAMAENDELEO YA VIWANDA VIDOGO NA VYA KATI, ZANZIBAR

Kuanzishwa kwa Wakala. 4.-(1) Kunaanzishwa Wakala inayojulikana kama Wakala wa Maendeleo ya Viwanda Vidogo vidogo, vidogo na vya Kati, Zanzibar, ambayo kwa ufupisho wake ni SMIDA.

(2) Wakala itakuwa ni chombo cha Serikali kisichojitegemea kikamilifu na kwa idhini ya Waziri na kwa kutumia jina lake itakuwa na uwezo wa:

- (a) kupokea kama dhamana, kununua au, kwa namna nyengine, kupata, kumiliki, kutoza au kuondoa mali inayohamishika na isiyohamishika.
- (b) kuingia mikataba; na
- (c) kufanya yale yote yatakayoonekana kuwa ni ya lazima, yenye tija au kufaa kufanywa katika utekelezaji bora wa

#### MSWADA

wa

#### SHERIA YA KUANZISHA WAKALA WA MAENDELEO YA VIWANDA VIDOGO VIDOGO NA VYA KATI, ZANZIBAR PAMOJA NA KUWEZESHA USHAJIISHAJI NA UENDELEZAJI WA VIWANDA VIDOGO VIDOGO, VIDOGO NA VYA KATI, ZANZIBAR NA MAMBO MENGINE YANAYOHUSIANA NA HAYO

#### SEHEMU YA KWANZA MASHARTI YA AWALI

1. Sheria hii itajulikana kama Sheria ya Wakala wa Maendeleo ya viwanda vidogovidogo na vya Kati, Zanzibar ya mwaka 2017 na itaanza kutumika mara tu itakapotiwa saina na Rais. Jina fupi na kuanza kutumika.

2. Sheria hii itatumika katika ushajiishaji na uendelezaji wa viwanda vidogovidogo, vidogo na vya kati, Zanzibar. Matumizi.

3. Katika Sheria hii, ispokuwa maudhui kama yatahitaji vyenginevyo: Ufafanuzi.

"Bodi" maana yake ni Bodi ya Wakurugenzi iliyoanzishwa chini ya kifungu cha 11 cha Sheria hii;

" mradi" kuhusiana na miradi ya kati na midogo au midogo midogo, maana yake ni miradi inayoendeshwa kibiashara inayohusiana na utengenezaji, usarifu, ukamuzi, uzalishaji, kilimo, usarifu wa mazao ya kilimo, utalii, biashara ya jumla na rejareja, miradi inayotoa huduma, viwanda vidogo au vinavyofanya shughuli zao nyumbani, kusafirisha bidhaa nje ya Nchi na shughuli zinazohusiana na shughuli nyengine za biashara;

"mradi wa kiwanda" maana yake ni mradi ulioanzishwa au unaoendeshwa na kikundi cha watu, mtu mmoja au taasisi, ambao unafanya biashara, au unazalisha bidhaa au kutoa huduma kwa ajili ya kupata faida;

"Mkurugenzi Mkuu" maana yake ni Mkurugenzi Mkuu wa Wakala ambae ameteuliwa chini ya kifungu cha 8 cha Sheria hii.

"mradi wa kati au kiwanda cha kati" maana yake ni mradi au kiwanda chochote chenye jumla ya raslimali zenye thamani inayozidi Shilingi za Kitanzania Milioni hamsini na saba (TZS 57,000,000) lakini isiyozidi Shilingi za Kitanzania Milioni mia sita na hamsini (TZS 650, 000,000) au chenye wafanyakazi wasiopungua ishirini na wasiozidi tisini na tisa (99).

- (d) kuanzisha, kuendesha au kuwezesha upatikanaji wa huduma za mikopo yenye masharti nafuu na huduma nyengine za kifedha na zisizo za kifedha kwa ajili ya miradi ya viwanda vidogo vidogo, vidogo na vya kati,
- (e) kuishauri Serikali kwa mambo yote yanayohusu maendeleo ya miradi ya viwanda vidogo vidogo , vidogo na vya kati,
- (f) kuratibu na kuchangia katika tafiti za masoko kwa bidhaa zinazozalishwa na huduma zinazotolewa na miradi ya viwanda vidogo vidogo, vidogo na vya kati,
- (g) kuwezesha mipango bora ya maendeleo ya miradi ya viwanda vidogo vidogo ,vidogo na vya kati mikoani na vijijini kwa kushajiisha matumizi ya taaluma, stadi na raslimali zinazopatikana katika maeneo hayo.
- (h) kuimarisha uwezo wa kushindana wa bidhaa za miradi ya viwanda vidogo sana, vidogo na vya kati kwa kuwapatia wahusika wa miradi hiyo misaada ya kiufundi.
- (i) Kutoa na kuhimiza upatikanaji wa huduma za kutoa mafunzo kwa watu wanaojishughulisha,walioajiriwa na wanaotarajia kuajiriwa katika miradi ya viwanda vidogo vidogo ,vidogo na vya kati,
- (j) kutoa huduma za kiutawala na ushauri kwa miradi ya viwanda vidogo vidogo, vidogo na vya kati,
- (k) kuimarisha viwango vya bidhaa na ubora kwa kuzingatia maendeleo na matumizi bora ya teknolojia katika, vifungashio, ubunifu wa bidhaa na huduma na katika huduma za ufundi.
- (l) kutoa maeneo bora yenye miundo mbinu mizuri ya kufanyia kazi kwa gharama nafuu ikiwemo maeneo ya kuendeleza teknolojia na majengo yaliyotengwa kwa ajili ya uzalishaji.
- (m) kuwezesha miradi ya viwanda vidogo sana ,vidogo na vya kati kupata vifaa mwafaka vya kufanyia kazi zao ama kwa njia ya kununua, kukodi au kwa makubaliano ya kibiashara.
- (n) kutoa huduma za kiufundi kupitia karakana za mekanika na umeme zinazoendesha na Wakala.
- (o) kuwezesha upatikanaji wa masoko ya ndani ,kikanda na kimataifa kwa bidhaa na huduma za miradi ya viwanda vidogo vidogo, vidogo na vya kati
- (p) kuratibu, kuoanisha na kuwezesha shughuli na mipango ya pamoja ya maendeleo ya Taasisi mbalimbali za umma na za binafsi kuhusiana na miradi ya viwanda vidogo vidogo, vidogo na vya kati,

majukumu ya Wakala kwa mujibu na Sheria na ambayo kwa kawaida hufanywa na chombo kama hiki.

**5. Wakala itakuwa na uwezo wa:**

Uwezo wa Wakala.

- (a) kununua, kubadilishana, kukodi au, kwa namna nyengine, kupata mali inayohamishika au isiyohamishika kwa ajili ya utekelezaji wa kazi zake.
- (b) kutayarisha mikataba au kuchukua dhamana kwa mambo yanayohusiana na kazi za Wakala, na kuifanyia marekebisho au kuifuta mikataba au dhamana hizo.
- (c) kushirikiana au kuingia katika ubia au ushirika na mtu au ushirika na watu wanaofanya au wanaojishughulisha na miradi ya kibiashara yanayoweza kutekelezwa moja kwa moja au yasiyo ya moja kwa moja kwa ajili ya Maslahi ya Wakala.
- (d) kukopesha au kuazima pesa, au kuwa na maslahi, kuchukua dhamana au kwa namna nyengine yoyote, kusaidia katika upatikanaji wa mitaji kwa miradi ya viwanda. vidogo vidogo, vidogo, na vya kati.
- (e) kutoa, au kuingia katika makubaliano ya kutoa, ushauri kuhusu uendesaji wa miradi kwa mtu ambaye Wakala utaona anashughulika au anatarajia kushughulika na mradi wowote wa viwanda.
- (f) kutoa, au kuingia katika makubaliano ya kutoa, mafunzo mahsusi ya uendesaji wa miradi ya viwanda.
- (g) kuajiri wafanyakazi, kwa idhini ya Bodi, na kwa mujibu wa masharti ya Sheria ya Utumishi wa Umma .
- (h) kuwalipa mafao,mishahara, marupurupu, na posho wafanyakazi wa Wakala kwa mujibu wa matakwa ya Sheria ya Utumishi wa Umma.

**6. Kutakuwa na muhuri rasmi wa Wakala katika umbo na ukubwa ambao utaamuliwa na Bodi.**

Muhuri wa Wakala.

**7. Wakala itakuwa na kazi zifuatazo:**

Kazi za Wakala.

- (a) kubuni na kutekeleza mipango ya kusaidia maendeleo ya miradi ya viwanda vidogo vidogo,vidogo na vya kati,
- (b) kushajiisha uanzishaji na kuendeleza miradi ya viwanda vidogo vidogo, vidogo na vya kati,
- (c) kutoa ushauri, kuratibu na kutathmini utendaji wa miradi ya viwanda vidogo vidogo, vidogo na vya kati,

(4) Wakala itaweza, kwa kutumia fedha zake, kufanya mipango ya kuwasomesha wafanyakazi wake na kufanya mambo yanayohusiana na hayo kwa kadri itakavyoona inafaa kwa ajili ya kufanikisha utendaji wa kazi zake.

Bodi ya Wakurugenzi.

**11.**-(1) Kutakuwa na Bodi ya Wakurugenzi ya Wakala wa Maendeleo ya Viwanda Vidogo vidogo, vidogo na vya Kati ambayo itakuwa na jukumu la usimamizi wa jumla wa kazi za Wakala.

(2) Bodi itakuwa na wajumbe wafuatao:

- (a) Mwenyekiti ambae atateuliwa na Rais.
- (b) Mkurugenzi Mkuu anaeingia kwa nafasi yake,
- (c) Mjumbe mmoja kutoka Wizara zinazosimamia viwanda, Mamlaka ya mafunzo ya amali na Uwezeshaji wa miradi midogo midogo, midogo na ya kati ya wajasiriamali, na
- (d) Wajumbe wawili kutoka jumuiya au taasisi za sekta binafsi wanaoshughulika na uendelezaji wa Viwanda vidogo vidogo, vidogo na vya Kati.

(3) Wajumbe waliotajwa katika vifungu vidogo 2(c) na 2(d) vya kifungu hiki watateuliwa na Waziri baada ya mashauriano na taasisi husika.

Muda wa wajumbe wa Bodi.

**12.**-(1) Mwenyekiti atatumikia Afisi kwa muda wa miaka minne kuanzia siku ya uteuzi wake na anaweza kuteuliwa tena.

(2) Wajumbe wote ispokuwa wajumbe kwa nafasi zao watatumikia Afisi kwa muda wa miaka mitatu kuanzia siku ya uteuzi na wanaweza kuteuliwa tena.

Utaratibu wa vikao vya Bodi.

**13.** Utaratibu wa vikao vya Bodi utakuwa kama utakavyoelezwa katika Jadwali la Sheria hii.

Kujiuzulu kwa mjumbe wa Bodi.

**14.**-(1) Mwenyekiti wa Bodi au mjumbe yeyote wa Bodi anaweza kujiuzulu wakati wowote kwa kutoa notisi ya maandishi kwa Mamlaka iliyomteuwa, na kuanzia siku iliyoainishwa kwenye notisi, au kama tarehe haikuainishwa, kuanzia tarehe iliyopokelewa notisi kwa mamlaka ya uteuzi, atasita kuwa mjumbe.

(2) Mtu atakaposita kuwa mwenyekiti au mjumbe wa Bodi vyovyote itakavyokuwa, kwa sababu yoyote, kabla ya kumalizika muda wake wa utumishi wa Bodi, Mamlaka ya uteuzi itamteuwa mtu mwengine kushikilia nafasi hiyo na mtu huyo aliyeteuliwa atashikilia ofisi kwa muda uliobaki wa mtangulizi wake.

## SEHEMU YA TATU UONGOZI NA UTAWALA WA WAKALA

**8.**-(1) Kutakuwa na Mkurugenzi Mkuu wa Wakala ambae atateuliwa na Rais. Uteuzi wa Mkurugenzi Mkuu.

(2) Mtu ili awe na sifa ya kuteuliwa kuwa Mkurugenzi Mkuu ni lazima awe ni:

- (a) Mzanzibari;
- (b) mwenye angalau Shahada ya Kwanza au inayolingana nayo kutoka Chuo kinachotambulika katika fani ya uhandisi, au utawala wa biashara au Uchumi au Uendeshaji wa viwanda;
- (c) mwenye uzoefu wa angalau miaka mitano katika masuala ya maendeleo ya miradi ya viwanda vidogo vidogo, vidogo, vya kati na ujasiriamali.

**9.** Mkurugenzi Mkuu atakuwa na majukumu yafuatayo: Majukumu ya Mkurugenzi Mkuu.

- (a) atakuwa Afisa Mtendaji Mkuu wa Wakala na atawajibika kuongoza na kusimamia kazi za kila siku na utawala wa Wakala.
- (b) atabuni, ataendelea na kutekeleza mikakati ya kukuza ujasiriamali wa viwanda kwa idhini ya Bodi.
- (c) atashirikiana na taasisi zinazotoa mafunzo katika kuandaa mipango ya mafunzo kwa wajasiriamali wa viwanda.
- (d) atawasiliana na taasisi za kiufundi na za kifedha, taasisi zinazosaidia miradi ya viwanda vidogo vidogo, vidogo na vya kati, vyombo vya Serikali na mashirika ya kikanda na ya kimataifa ili kutafuta rasimama za kiufundi na za kifedha kwa ajili ya maendeleo ya miradi ya viwanda vidogo vidogo, vidogo na vya kati, baada kupata idhini ya Bodi na ruhusa ya Wizara inayosimamia mambo ya fedha.

**10.**-(1) Bodi kwa kuzingatia mapendekezo ya Mkurugenzi Mkuu inaweza kuajiri wafanyakazi wengine wa Wakala au kumkodi mtu kufanya kazi ya ushauri elekezi au mtaalamu kwa ajili ya utekelezaji bora wa kazi za wakala. Wafanyakazi wa Wakala.

(2) Uajiri wa wafanyakazi chini ya kifungu kidogo cha (1) cha kifungu hiki utafanywa kwa kuzingatia masharti ya Sheria ya Utumishi wa Umma.

(3) Wafanyakazi waliopo wa Idara wataendelea kufanya kazi na watachukuliwa kuwa ni wafanyakazi wa Wakala chini ya masharti ya Sheria hii. Wakala itaongozwa na Mkurugenzi Mkuu.

(2) Bila kuathiri masharti ya kifungu kidogo cha (1) cha kifungu hiki, Bodi itakuwa na mamlaka ya:

- (a) kutoa miongozo ya kimkakati kwa Wakala katika kutekeleza kazi zake;
- (b) kusimamia kazi za Wakala hiyo kuhusiana na kukuza, kuchochea, kuwezesha na kuboresha maendeleo ya sekta ya viwanda vidogo vidogo, vidogo na vya kati;
- (c) kutoa idhini ya kupelekwa taarifa za Wakala kwa Waziri.
- (d) kusimamia mali zote zinazohamishika na zisizohamishika, Mfuko wa Maendeleo wa viwanda vidogo vidogo, vidogo na vya kati na mali nyengine za Wakala;
- (e) kuidhinisha bajeti ya mwaka na bajeti ya ziada, pamoja na mipango na miongozo ya Wakala;
- (f) kuweka viwango vya kodi, ada, pamoja na tozo nyengine zinazostahiki kulipwa kutokana na huduma zinazotolewa na Wakala;
- (g) kuagiza kupatiwa taarifa au kumbukumbu zinazohusiana na jambo lolote la ujasiriamali wa viwanda lilioamuliwa na Wakala
- (h) kuchukua hatua za kinidhamu kwa Wafanyakazi wa ngazi ya juu wa Wakala kwa mujibu wa Sheria ya Utumishi wa Umma.

Kazi za Bodi.

**19.**(1) Bodi itakuwa na kazi za kushajiisha na kuwezesha maendeleo ya viwanda vidogo vidogo, vidogo na vya kati na kuweka mazingira bora kwa ajili ya kufikia lengo lililokusudiwa,

(2) Bila ya kuathiri masharti ya jumla ya kifungu kidogo cha (1) cha kifungu hiki, Bodi itakuwa na kazi zifuatazo:

- (a) kutoa maelekezo yayokubalika kisheria kwa Mkurugenzi Mkuu juu ya masuala ya utawala, utendaji na Sera za uendeshaji wa Wakala,
- (b) kuanzisha muundo wa Wakala kwa mujibu wa matakwa ya Sheria ya Utumishi wa Umma No. 2 ya mwaka 2011, na kuweka utaratibu wa utendaji kazi kwa kadri itakavyoonekana inafaa kwa madhumuni ya kuleta ufanisi katika utekelezaji wa kazi za Wakala,
- (c) kwa idhini ya Tume ya Utumishi wa Umma, kuweka miongozo na masharti yanayohusiana na mishahara na maposho mengine ikiwemo maslahi mengine kwa waajiriwa wa Wakala.

**15.**(1) Nafasi ya Mjumbe itakuwa wazi iwapo mjumbe huyo:

Nafasi ya Mjumbe kuwa wazi.

- (a) amefariki,
- (b) hakuhudhuria vikao vitatu mfululizo vya Bodi bila ya udhuru unaokubalika wakati mjumbe huyo alikuwa na taarifa ya vikao hivyo,
- (c) amekoma kuwa muwakilishi wa Taasisi iliyomteua,
- (d) amejuzulu, au
- (e) amepoteza uwezo wa kutekeleza majukumu yake, kimwili au kiakili.

(2) Kwa kuzingatia masharti ya Sheria hii kuhusiana na akidi ya mikutano ya Bodi, Bodi inaweza kuendelea na shughuli zake bila ya kujali kutokuwepo kwa mjumbe yeyote, na kitendo chochote kitakachofanyika katika kikao hicho hakitakosa uhalali kwa sababu tu ya kasoro iliyokuwepo kuhusiana na uteuzi wa mtu ambae amekusudiwa kuwa ni mjumbe.

**16.**(1) Bodi itamteuwa Afisa Sheria mwenye angalau Shahada ya Kwanza katika fani ya Sheria na mwenye uzoefu wa kazi usipungua miaka mitatu kuwa katibu wa Bodi. Katibu wa Bodi.

(2) Pamoja na kazi nyingine atakazopewa na Bodi, Katibu ana jukumu la kuhakikisha kuwa:

- (a) anaweka na kutunza vyema taarifa sahihi za kumbukumbu ya mikutano ya Bodi,
- (b) rikodi sahihi na zinazojitosheleza za Bodi zinatunzwa kwa umakini,
- (c) anatoa taarifa kwa wajumbe kwa wakati muafaka kuhusiana na mikutano ya Bodi,
- (d) anatoa ushauri muafaka kwa Bodi pale inapohitajika; na
- (e) anafanya kazi nyengine yoyote atakayoelekezwa na Bodi.

(3) Endapo Katibu hayupo au hawezi kufanya kazi zake kwa sababu ya ugonjwa au kutokana na sababu nyingine yoyote, Bodi itamchagua mfanyakazi yeyote wa Wakala mwenye sifa zinazofaa kutekeleza kazi za Katibu kwa muda wote wa kutokuwepo mpaka nafasi iliyowazi katika ofisi ya Katibu itakapojazwa.

**17.** Mjumbe wa Bodi au wa kamati yoyote ya Bodi, atapewa posho na malipo mengine kama itakavyopangwa Waziri kwa kushauriana na Waziri anaehusika na Fedha. Posho kwa wajumbe.

**18.**(1) Kwa kuzingatia masharti ya Sheria hii, usimamizi wa jumla na miongozo ya Kiseria kuhusiana na uendeshaji wa kazi za Wakala vitakuwa chini Bodi. Uwezo wa Bodi.

Fedha za Wakala.

**22.** Fedha za Wakala zitajumuisha:

- (a) Fedha zilizoidhinishwa na Baraza la Wawakilishi kwa kila mwaka wa fedha
- (b) Misaada, michango mingine ya fedha kutoka Serikalini, au kwa mtu mwingine katika vyanzo vyengine vinavyokubalika kwa idhini ya Waziri.
- (c) Fedha zozote halali ambazo zitapokelewa na zitakazopatikana kwa Wakala.

Makadirio.

**23.** Mkurugenzi Mkuu atatarisha taarifa ya makadirio na matumizi ya fedha kabla ya kuanza kwa mwaka wa fedha kuainisha mapato na matumizi ya Wakala kwa ajili ya mwaka unaofuata, na kuyawasilisha kwa Waziri baada ya kuthibitishwa na Bodi.

Matumizi ya Fedha.

**24.** Fedha za Wakala zitatumika kama ifuatavyo:

- (a) Mishahara, maposho, na mikopo ya wafanyakazi wa Wakala;
- (b) Fedha nyengine zinazokubalika kwa usafiri, safari za kikazi au posho la kujikimu kwa wajumbe wa Bodi au kamati mbali mbali za Bodi katika kutekeleza kazi za Wakala;
- (c) Gharama nyengine zozote zinazostahiki kulipwa na Wakala katika kutekeleza majukumu yake.

Hesabu na Ukaguzi.

**25.**(1) Wakala ataweka buku maalumu kwa ajili ya kumbukumbu za hesabu za mapato na matumizi na kutunza kumbukumbu hizo kwa mujibu wa maelekezo ya Mhasibu Mkuu wa Serikali.

(2) Hesabu za Wakala za kila mwaka zitakaguliwa na Mdhambi na Mkaguzi Mkuu wa Hesabu za Serikali au mkaguzi yeyote aliyeteuliwa na Mdhambi na Mkaguzi Mkuu wa hesabu za Serikali .

**SEHEMU YA NNE****MFUKO WA MAENDELEO YA VIWANDA VIDOGO VIDOGO, VIDOGO NA VYA KATI**

Mfuko wa maendeleo ya viwanda.

**26.**(1) Kunaanzishwa Mfuko, kwa idhini ya Waziri anaehusika na Fedha, unaojulikana kama Mfuko wa maendeleo ya viwanda vidogo vidogo, vidogo na vya kati.

(2) Mfuko ulioanzishwa chini ya kifungu kidogo cha (1) cha kifungu hiki utatumika kwa ajili ya kusaidia maendeleo ya viwanda viwanda vidogo vidogo, vidogo na vya kati.

(3) Vyanzo vya Fedha za Mfuko ni vitajumuisha :

- (d) kuweka mikakati, mipango kazi, makusudio na malengo muafaka ya kazi ya kila Idara ya Wakala, na kufatilia kwa mfululizo maendeleo yanayotokana na mambo yaliyopangwa katika kufikia malengo hayo,
- (e) kwa idhini ya Waziri, kuweka Sera za utekelezaji wa Wakala;
- (f) kuzingatia, kuidhinisha, kufatilia utekelezaji wa Bajeti za mwaka na za robo mwaka za Wakala;
- (g) kufatilia kwa makini usimamizi wa Mfuko wa Maendeleo wa viwanda vidogo vidogo ; vidogo na vya kati;
- (h) kuandaa na kuzisimamia kanuni za wafanyakazi na za fedha;
- (i) kusimamia na kufatilia utekelezaji wa kazi za Wakala;
- (j) kuishauri Serikali kupitia Waziri kuhusiana na mambo yanayohusu uendelezaji wa Wakala, na
- (k) kufanya kazi nyengine ambazo kwa kawaida zinafanywa na Bodi.

**20.**(1) Bodi inaweza kuanzisha kamati mbali mbali kwa madhumuni ya kutekeleza kazi zake, na inaweza kukasimu kazi yoyote katika kamati yoyote kwa kadri itakavyoona inafaa. Kamati za Bodi.

(2) Bodi inaweza kuteua wajumbe wa kamati iliyoanzishwa chini ya kifungu kidogo cha (1) cha kifungu hiki miongoni mwa wajumbe wa Bodi.

(3) Kamati za Bodi zinaweza kumualika mtu yoyote kushirikiki katika vikao vyake, lakini Mtu huyo hatokuwa na haki ya kupiga kura.

(4) Kwa kuzingatia maelekezo maalum na ya jumla ya Bodi, kamati yoyote iliyoanzishwa chini ya kifungu kidogo (1) cha kifungu hiki inaweza kujiwekea utaratibu wake.

**21.**(1) Ni marufuku kwa Mjumbe wa Bodi, mfanyakazi wa Wakala, mtu yeyote aliyealikwa kuhudhuria kikao cha Bodi au kamati yoyote ya Bodi, bila idhini ya maandishi iliyotolewa na Bodi au iliyotolewa kwa niaba ya Bodi, kutangaza au kutoa taarifa kwa mtu yeyote ikiwemo maandishi ya waraka, mawasiliano au taarifa na mengine kama hayo yanayohusiana au anayoyafahamu katika kutekeleza kazi zake chini ya Sheria hii, isipokuwa kwa yule ambaye anatekeleza wajibu wake kisheria. Marufuku ya kutangaza au kutoa taarifa kwa mtu asie na mamlaka.

(2) Mtu ambae atakiuka masharti ya kifungu kidogo cha (1) cha kifungu hiki, amefanya kosa na akitiwa hatiani atawajibika kulipa faini isiyopungua Shilingi za Kitanzania milioni moja na isiyozidi milioni tano au kifungu kwa muda usiopungua miezi sita na usiozidi miaka miwili au vyote viwili.

Ripoti za  
hesabu.

**29.** Bodi, ndani ya miezi sita baada ya kumalizika kwa mwaka wa fedha, itatayarisha au itawezesha kutayarishwa ripoti ya hesabu za mwaka zilizokaguliwa, zinazohusiana na Mfuko wa maendeleo ya viwanda vidogo vidogo, vidogo na vya kati na kuwasilisha kwa Waziri.

**SEHEMU YA TANO  
VIFUNGU VYA FEDHA**

Bajeti ya  
mwaka na  
Bajeti ya  
ziada.

**30.**-(1) Bodi itaipitia kwa makini Bajeti ya mwaka sambamba na makadirio ya kiwango kilichotarajiwa kupokelewa na kutumiwa na Wakala katika mwaka wa fedha, katika muda ambao si chini ya miezi miwili kabla ya kuanza kwa mwaka wa fedha.

(2) Iwapo katika mwaka wowote wa fedha, Wakala itahitaji kufanya matumizi ambayo hayakuelezwa katika Bajeti ya mwaka, Bodi itafanya kikao na kuzingatia Bajeti hiyo ya ziada inayoelezea kwa umakini matumizi yanayohitajika na kwasilisha kwa Waziri ili kupata idhini.

(3) Iwapo Bodi imeidhinisha Bajeti ya mwaka au bajeti ya ziada, bajeti hiyo ya mwaka au bajeti ya Ziada, vyovyote itakavyokuwa, itakuwa ni lazima kwa Wakala kufanya matumizi yake kwa mujibu wa makadirio yaliyowekwa katika Bajeti hiyo iliyoidhinishwa.

Ukaguzi  
wa hesabu.

**31.**-(1) Wakala itaweka au itawezesha kuwekwa na kutunza hesabu na kumbukumbu za fedha zinazohusiana na :

- (a) Usimamizi wa Mfuko wa Maendeleo ya viwanda vidogo vidogo, vidogo na vya kati.
- (b) Risiti na matumizi ya fedha, na miamala ya kifedha yaliyofanywa na Wakala.
- (c) Mali na dhima za Wakala,
- (d) Taarifa za maandishi za kifedha ya kila mwaka wa fedha zinazoainisha maelezo kamili kuhusiana na mapato na matumizi ikiwa pamoja na mali iliyopo na dhima kwa Wakala.

(2) Mfuko utafanyiwa ukaguzi katika kila mwaka wa fedha na Mdhhibiti na Mkaguzi Mkuu wa Serikali au mkaguzi yoyote aliyeteuliwa na Mdhhibiti na Mkaguzi Mkuu wa Serikali .

(3) Mdhhibiti na Mkaguzi Mkuu wa Serikali au mkaguzi yoyote aliyeteuliwa na Mdhhibiti na Mkaguzi Mkuu wa Serikali, ndani ya miezi mitatu baada ya kumalizika kwa mwaka wa fedha atafanya ukaguzi wa hesabu za Wakala ikiwemo taarifa za maandishi za kifedha zinazohusiana na mwaka wa fedha.

(4) Hesabu zilizokaguliwa zitawasilishwa kwa Bodi na zitakapokubaliwa na kuridhiwa na Bodi zitawekwa muhuri wa kuthibitishwa kuwa zimekubaliwa na kuridhiwa.

- (a) Fedha zilizoidhinishwa na Baraza la Wawakilishi kwa kila mwaka wa fedha
- (b) Misaada, bakaa, michango mingine ya fedha kutoka Serikalini, au kwa mtu mwingine katika vyanzo vyengine vinavyokubalika kwa idhini ya Waziri.
- (c) Fedha zozote halali ambazo zitapokelewa na zitakazopatikana kwa Wakala

**27.**-(1) Mfuko utakuwa chini ya dhamana ya Bodi ya Wakala na utasimamiwa na Mkurugenzi Mkuu kwa mujibu wa maelekezo yatakayotolewa na Bodi kila baada ya muda .

Usimamizi  
wa Mfuko.

(2) Waziri anaweza kutunga kanuni zinazoeleza namna na taratibu za matumizi ya fedha za Mfuko.

**28.** Fedha za Mfuko zitatumika ifuatavyo:

Matumizi  
ya fedha za  
Mfuko.

- (a) kufanya tafiti kwa ajili ya uhamasishaji na maendeleo ya viwanda vidogo vidogo, vidogo na vya kati;
- (b) upatikanaji wa ardhi, zana, vifaa mbali mbali, vitu mbali mbali, mali nyengine na ujenzi wa majengo kwa ajili ya kuhamasisha kufikia malengo ya mfuko;
- (c) upatikanaji wa majengo bora kwa ajili ya utendaji kazi yenye miundo mbinu imara yakiwemo maeneo ya kuendeleza teknolojia na majengo yaliyotengwa kwa ajili ya uzalishaji;
- (d) kutoa huduma za kiufundi kupitia karakana za mekanika na umeme zinazoendeshwa na Wakala;
- (e) kuanzisha, kuendesha na kuwezesha upatikanaji wa mikopo nafuu na huduma nyengine za kifedha na zisizo za kifedha kwa ajili ya maendeleo ya viwanda.
- (f) kutoa mikopo au misaada kwa taasisi yoyote ambayo kwa maoni ya Bodi taasisi hiyo ipo kwa ajili kuhamasisha uanzishaji au maendeleo ya shughuli za usarifu na utengenezaji wa bidhaa.
- (g) kuviwezesha viwanda vidogo vidogo, vidogo na vya kati kupata vifaa stahiki kwa kununua, kukodi au kwa njia nyengine ya makubaliano ya kibiashara.
- (h) kuzikabili gharama zinazotokana na uanzishaji wa Mfuko.
- (i) kwa madhumuni yoyote ambayo kwa maoni ya Bodi, madhumuni hayo yatasaidia kuhamasisha uanzishwaji na maendeleo ya sekta ya ujasiriamali wa viwanda.

Kinga kwa  
mjumbe au  
afisa.

**36.** Mjumbe wa Bodi, au Afisa wa Wakala hatowajibika yeye binafsi kutokana na jambo au kitu chochote kitakachofanywa au kuachwa kufanywa na ikiwa tendo au jambo hilo litafanywa au kuacha kufanywa kwa nia njema katika kutekeleza kazi zake chini ya Sheria hii.

Kanuni.

**37.** Waziri anaweza, kwa kushauriana na Bodi, kutunga kanuni zinazoelezea:

- (i) Mambo yote yanayohitaji au kuruhusika kuelezwa na Sheria hii;
- (ii) Fomu yoyote inayohitajika kwa mujibu wa utekelezaji wa Sheria hii
- (iii) Ada yoyote inayohitajika kulipwa kutokana na huduma zinazotolewa na Wakala; au
- (iv) Mambo mengine yoyote ambayo ni muhimu na yanayohitajika kwa utekelezaji bora wa masharti ya Sheria hii.

**JADWELI**  
**UTARATIBU WA VIKAO VYA BODI**  
**{Chini ya kifungu cha 13 }**

Vikao vya  
Bodi.

**1.**-(1) Bodi itafanya vikao vyake angalau mara moja katika kipindi cha kila miezi mitatu na itaweza kuitisha mkutano wakati wowote itakapotokezea haja ya kufanya hivyo katika utekelezaji wa kazi zake.

(2) Vikao vya Bodi vitaongozwa na Mwenyekiti, na itakapokuwa mwenyekiti hayupo kikao kitaongozwa na Makamu Mwenyekiti .Bodi itamchagua mmoja kati ya wajumbe wa Bodi kuwa Makamu Mwenyekiti.

(3) Mwenyekiti au atakapokuwa hayupo, Makamu Mwenyekiti wataitisha mkutano maalum kwa ombi la maandishi litakalosainiwa na zaidi ya nusu ya wajumbe wa Bodi na Mkutano huo atawezesha kufanyika ndani ya siku ishirini na moja kuanzia siku ya kupokea ombi hilo.

(4) Iwapo Mwenyekiti na Makamu wote hawapo, wajumbe waliopo watamteuwa mjumbe mmoja miongoni mwao kuongoza kikao, na mjumbe aliechaguliwa atakuwa na uwezo na kutekeleza majukumu yote ya Mwenyekiti.

Akidi ya  
kikao.

**2.** Akidi ya kikao cha Bodi ni zaidi ya nusu ya wajumbe.

Maamuzi  
ya Bodi.

**3.**-(1) Maamuzi ya Bodi yatafanywa kwa makubaliano ya pamoja , ikiwa makubaliano hayatofikiwa maamuzi yatafanyika kwa kupiga kura na endapo kura zitakuwa sawa, Mwenyekiti atakuwa na kura ya maamuzi.

(5) Mara baada ya hesabu za Wakala kukaguliwa ,na katika hali yoyote isiyo zaidi ya miezi sita baada ya kumalizika kwa mwaka wa fedha , Bodi itawasilisha kwa Waziri nakala ya hesabu zilizokaguliwa sambamba na nakala ya taarifa ya ukaguzi iliyoandaliwa na Mkaguzi.

**32.** Mkurugenzi Mkuu atatayarisha taarifa ya utekelezaji wa shughuli za Wakala kila ifikapo mwisho wa mwaka wa fedha na kuiwasilisha kwa Waziri baada ya kupata idhini ya Bodi.

Taarifa ya  
mwaka ya  
Mkurugenzi  
Mkuu.

**SEHEMU YA SITA**  
**MASHARTI MENGINEYO**

**33.** Kwa kuzingatia masharti ya Sheria hii,Waziri anaweza kutoa maelekezo ya jumla ya ki sera kuhusiana na uendeshaji wa Wakala au kuhusiana na utekelezaji bora wa kazi za Bodi au kazi na malengo ya Wakala.

Waziri  
kutoa  
maelekezo  
ya Kiseru  
kwa Bodi.

**34.** Mtu anaeanzisha au anaefanya mradi wa kiwanda atalazimika kufanya usajili kwa mujibu wa Sheria ya usajili wa Taasisi za Biashara.

Usajili wa  
viwanda  
vidogo,  
vidogo na  
vya kati.

**35.**-(1) Mtu atakaempa taarifa au maelezo Waziri, mjumbe wa Bodi au wa kamati ya Bodi au Mkurugenzi Mkuu ,hali akijua kuwa taarifa au maelezo hayo ni ya uongo, ametenda kosa,

Makosa na  
adhabu.

(2) Mtu atakaeshindwa kutekeleza agizo lolote au amri halali iliyoamriwa chini ya Sheria hii ametenda kosa

(3) Mtu anaemzuwua mjumbe wa Bodi, mjumbe wa kamati ya Bodi,au mfanyakazi wa Wakala kutekeleza kazi zake chini ya Sheria hii, ametenda kosa,

(4) Mtu anaekwenda kinyume na sharti lolote chini ya Sheria hii ametenda kosa ,

(5) Mtu aliyetiwa hatiani chini ya kifungu kidogo cha (1), (2),(3) au (4) cha kifungu hiki atalazimika kulipa fidia ya Shilingi za Kitanzania zisizopungua Milioni moja na zisizozidi milioni tatu, au kifungu cha muda usiozidi mwaka mmoja au vyote viwili.

(6) Mtu yeyote mwenye taarifa za uwepo wa taarifa ambazo zimeenezwa au zimetolewa kwa mujibu wa ukiukwaji wa masharti ya kifungu kidogo cha (1) cha kifungu hiki na bila ya halali akazisambaza au kuziwasilisha taarifa hizo kwa mtu mwingine, ametenda kosa na atakapotwiwa hatiani atalazimika kulipa faini ya shilingi za Kitanzania zisizozidi Milioni mbili au kifungu kwa muda usiozidi miezi sita au vyote viwili.



1. Kuondoa mapungufu yaliyopo kuongeza ukuaji wa huduma za viwanda vidogo vidogo, vidogo na vya kati.
2. Kushajiisha matumizi ya teknolojia inayofaa katika uzalishaji katika vidogo vidogo, vidogo na vya kati.
3. Kuwawezesha wazalishaji kuwa na mazingira bora kwa uzalishaji ikwa ajili ya upatikanaji wa bidhaa salama na zenye ubora.

Wakala iliyoanzishwa, katika kutekeleza malengo yake kwa ujumla itafanyakazi za ushauri, kuendeleza, kuratibu, kushajiisha na kusaidia kwa kila linalowezekana katika katika shughuli za viwanda Zanzibar kuanzia na uwezeshaji katika hatua za awali za kuzirasimisha shughuli za viwanda pia masuala ya masoko na bidhaa hadi kufikia kuwa viwanda vikubwa.

Mswada umegawika katika Sehemu sita.:

**Sehemu ya kwanza** inajumuisha jina fupi la Sheria, kuanza kutumika kwa Sheria pamoja na ufafanuzi wa maneno mbalimbali yaliyotumika katika Sheria.

**Sehemu ya pili** inajumuisha uanzishwaji wa Wakala, kazi na uwezo wa Wakala.

**Sehemu ya tatu** inaelezea kwa kina kuhusiana na Uteuzi wa Mkurugenzi Mkuu, majukumu ya Mkurugenzi mkuu, wafanyakazi wa Wakala, Bodi ya Wakurugenzi, Katibu wa Bodi, uwezo wa Bodi, kazi za Bodi, kamati za Bodi, muda wa wajumbe wa Bodi, marufuku ya kutoa taarifa kwa asiyehusika, fedha za Wakala, makadirio na matumizi, fedha na ukaguzi.

**Sehemu ya nne** inaelezea kuhusu Mfuko wa Maendeleo ya viwanda, usimamizi, matumizi na ripoti ya hesabu za mfuko huo.

**Sehemu ya tano** imejumuisha Bajeti ya mwaka na Bajeti ya ziada, ukaguzi wa hesabu, taarifa za utekelezaji.

**Sehemu ya sita** inaelezea uwezo wa Waziri kutoa maelekezo kwa Bodi, usajili wa viwanda, makosa na adhabu, kinga kwa wajumbe na maafisa na mwisho uwezo wa Waziri kutunga kanuni.

ZANZIBAR  
1 Septemba, 2017

(MHE. BALOZI . AMINA SALUM ALI )  
WAZIRI WA BIASHARA, VIWANDA NA  
MASOKO ZANZIBAR.

(2) Bila ya kujali masharti ya kifungu kidogo cha (1) cha kifungu hiki Bodi inaweza kufanya maamuzi kwa kusambaza matoleo yanayotaka kufanyiwa maamuzi kwa wajumbe na kila mjumbe akaweza kutoa maoni yake kwa maandishi isipokuwa kwamba mjumbe yeyote anaweza kuomba maamuzi hayo kupelekwa mbele kwa ajili ya mjadala kwenye kikao kamili cha Bodi.

(3) Maazimio yaliyotolewa kwa maandishi kwa wajumbe waliopo Zanzibar ambao si chini ya wajumbe watano, yatakubalika kuwa ni maamuzi sahihi kama maamuzi yanayofanywa katika vikao vya kawaida vya Bodi, isipokuwa kwamba, mjumbe, bila ya kuathiri saina yake katika maamuzi hayo, anaweza kuomba maamuzi hayo kupelekwa mbele kwa ajili ya mjadala kwenye kikao kamili cha Bodi.

4. Bodi inaweza kumualika mtu yeyote kutoa ushauri katika kikao chake chochote lakini mtu huyo hatokuwa na haki ya kupiga kura kuhusiana na maamuzi yoyote ya Bodi. Mualikwa katika Bodi.

5. Kumbukumbu za kila kikao cha bodi zitathibitishwa na Bodi katika kikao chake kinachofuata na kusainiwa na Mwenyekiti pamoja na Katibu wa Bodi Kumbu-kumbu za vikao vya Bodi.

6. Kwa kuzingatia masharti ya Sheria hii Bodi itakuwa na uwezo wa kujiwekea utaratibu wa uendeshaji wa vikao vyake na mwenendo bora wa shughuli zake ikijumuisha kamati za Bodi. Utaratibu wa vikao.

7. Mtu atakayekuwepo katika kikao cha Bodi au cha kamati ya Bodi ambapo katika kikao hicho mtu huyo au mwenza wa mtu huyo anayo maslahi binafsi kutokana na mada itakayojadiliwa katika kikao hicho, basi mtu huyo atalazimika kuweka bayana uwepo wa maslahi hayo na hatopaswa kushiriki katika mjadala unaohusiana na jambo hilo. Kuweka bayana maslahi.

8.-(1) Bodi inaweza, kwa madhumuni ya kuwezesha utekelezaji wa kazi zake, kuanzisha kamati kwa ajili ya kutekeleza kazi maalum kwa kadri Bodi itakavyoamua.

(2) Utaratibu wa vikao, mambo muhimu na mengineyo kuhusiana na kamati hizo zitakazoanzishwa yatawekwa na Bodi

#### MADHUMUNI NA SABABU

Madhumuni ya Mswada huu ni kuandaa Sheria ya kuanzisha chombo ambacho ni Wakala yenye jukumu la kushughulikia maendeleo na usimamizi wa viwanda vidogo vidogo, vidogo na vya kati.

Kitu kikubwa ambacho kimepelekea wazo za uundwaji wa Wakala hii ni:



